

Vunzmbanj Bwzcauz Cunh Comz Ngaenz Banh Ciet Yauzcuz:

Baijyienj Fungsug Yauzcuz Caux Binjbaiz

展示瑶族独特风情的百朝瑶族节

□ Loz Veihij ingj Sinhyungz hoiz



▲ Gyoengq sau ndwn bakmbanj, gaem vanj laeuj deq hek.

▲ Gyoengq hekgyiq daeuj daengz, cix laengz de gwn laeuj.



▲ Baijyienj fungsug dou, hawj baengzyoux ngonzyawj.



▲ Sim' angq cix roq gyeong, raeuz doxdongx goenghok.



▲ Ngoenzciet nyaengq senh-conz, ra monzloh baenzfouq.



▲ Ndangdaenj Yauzcuz ndei-yawj lai, ngoenzciet baijyienj hawj hek yawj.

Bineix liggaueq ndwensam cib-ngux (ligmoq 4 nyied 14 hau), Bwzswz Si Yauzcuz Minzgenh Vwnzva Yenzgiuvei caeuj Lingzyinz Yen Cauzlij Yauzcuz Yangh Bwzcauz Cunh Cunhvej doxgap youq Bwzcauz Cunh banh le Gaiq Daih'it Bwzcauz Ciet Yisuz Vwnzva Ndawbiengz Yauzcuz, gij ngaenz guh baez hozdung neix dingzlai dwg vunzlai ndaw cunh gag comz gag ok, gij Yauzcuz daiyauj daj Yinznanz Swngj Vwnzsanh Bouxcuengh Myauzcuz Swicouh, Hozciz Si, Bwzswz Si gak yienh daeuj haenx comz youq Bwzcauz Cunh Mbanj-dunghou angqyangz guh hozdung, baijyienj fungsug fungcingz Yauzcuz, ciengzmienh hoengghwd.

Baez ciet neix dwg Bwzcauz Cunh lai bi daeuj banh ndaej neiyungz ceiq lai, vunzhek daeuj ceiq lai, diegmbanj bouxhek nangq daengz ceiq gyae ndeu, caemh dwg Bwzswz Si Yauzcuz Minzgenh Vwnzva Yenzgiuvei baez daih'it youq ndaw mbanj cujcziz cungj hozdung hoengghwd vunzva ndawbiengz neix. Aenciet aeu "cienzyiengz vwnzva ndawbiengz Yauzcuz, cauxguh binjbaiz vwnzva Mbanjyauz" guh cawjdaez, cujyau neiyungz aeu cimhra caeuj baijyienj Yauzcuz feihyuzciz vwnzva yizcanj guhcawj, baijyienj le fouxnyenz Yauzcuz, loxlezaez, dwkdomq, doiq fwen, vwnzva laeuj daengj vwnzyi cezmuuz gig miz daegsaek minzcuuz de, hangh yizsi coux hek couh gig miz daegsaek Yauzcuz, caenhraen gyoengq sau Yauzcuz ndwn youq bakmbanj, song dah sau aeu diuz saihwet ndeu gaem boux gyaeuj rag vang dwk laengz roen, bouxhek daeuj daengz bakmbanj cungj aeu cimz saek gaemz laeujhaeux gag siu,



▲ Fungsug Yauzcuz miz daegsaek, vunz yawj ngaek gyaeuj haen naeuz ndei.

haeuxnaengj nyumx saek le cij ndaej haeuj mbanj, gyang mbanj dap aen daizheiq ndeu, yienj heiq diuq foux eu fwen, fouxnyenz, foux-lungzfung, fouxfunqsou, go Vahyauz gag sij daengj doxlwnz yienj mbouj sat, daengx ngoenz sing go sing fwen haprwenz, vunzlai caenx yawj ndaetfwd.

Bwzcauz Cunh dwg Lingzyinz Yen aen cunh gungzhoj guekgya dinghdiemj ndeu, daj bi' gvaq youz Guekgya Suijlibu bangfuz gvaqdaej, aen cunh neix giethab guh gij hozdung gyauyuz sizcenj ginzcuung lusen dangj raeuz, cinghseuq lajmbanj neix, rox naemj gaenx guh, hawj yienghsiengq mbanjbya bienq-vaq gig daih, gij ranzvax vaihvad gaxgonq bienqbaenz le ranzlaeuz moqsup, roennamh gaebged gumzgamx caemh bienqbaenz le roensuijniz gvangqyub bingzbwd, caemhcai q daj gaxgonq cij dan ndaem haeuxyangz cungj gomiuz dog ndeu hwngfat baenz ndaem miz go'ien, gosangh, gogoetgaeq, gaeufuzfangh daengj doenghgo dem, vunzmbanj souhaeuj ndaej demlai, saedcej ngoenz beij ngoenz ndei.



▲ Ngoenzciet hek daeuj lai, gwnz daiz heiq ndei yawj.



▲ Doxcomz gwn donq ngaiz, vunz lai sim' angq raeuh.



▲ Ngoenzciet caemh baenz haw, dauqcawq baij gai huq.



▲ Yienj cit foux 《Fwenyoux Ndoicaz》, daihgaya yawj le bek fwngz haenh.